



REPUBLIKA E SHQIPERISE

UNIVERSITETI I ELBASANIT "ALEKSANDËR XHUVANI"  
SENATI AKADEMIK

Nr. 515 prot.

Elbasan, më 13.05.2020

VENDIM

Nr. 26 datë 13.05.2020

"PËR

MIRATIMIN E RREGULLORES MBI MASAT SANITARE PËR  
MINIMIZIMIN E RISKUT NGA COVID-19"

Në mbështetje të Ligjit nr. 80/2015 datë 22.07.2015 "Për arsimin e lartë dhe kërkimin shkencor në institucionet publike të arsimit të lartë në Republikën e Shqipërisë", neni 38, gërrma "d", Statutit të UE-së, neni 9, gërrma "d", Senati Akademik më datë 13.05.2020

V E N D O S I:

1. Miratimin e Rregullores "Mbi Masat Sanitare për Minimizimin e Riskut nga COVID-19", sipas tekstit që i bashkëlidhet këtij vendimi dhe është pjesë përbërëse e tij.
2. Ngarkohen të gjitha njësítë e UE-së për zbatimin e këtij vendimi.

Ky vendim hyn në fuqi menjëherë.

KRYETARI

Prof. Dr. Skender TOPI





UNIVERSITETI I ELBASANIT "ALEKSANDËR XHUVANI"

Rregullore

mbi

Masat Sanitare për Minimizimin e Riskut  
nga COVID-19



*Elbasan, Maj 2020*

## Përbajtja

Hyrje	2
Shmangia e rasteve të dyshuara	2
Distancimi fizik	3
Mbajtja e maskave dhe dorezave	4
Dezinfektimi dhe higjiena	4

## Hyrje

Universiteti i Elbasanit "Aleksandër Xhuvani, në kushtet e pandemisë nga COVID 19, ka qenë i detyruar të kufizojë disa aktivitete arsimore dhe të adaptojë proceset akademike.

Aktiviteti arsimor është kategorizuar si aktivitet **me risk të lartë në** planin kombëtar të rihapjes së shoqërisë.

Ndërkohë që mbyllja me sukses e vitit akademik kërkon realizimin e disa proceseve mësimore, përfshirë leksione, praktika dhe provime, sipas pëcaktiveve në Vendimin e Rektoratit Nr. 51, 05/05/2020, publikuar në faqen elektronike zyrtare [www.uniel.edu.al](http://www.uniel.edu.al), gjithashtu është e domosdoshme që të sigurohet kryerja e tyre në kushtet e sigurisë shëndetësore më të lartë të mundshme, për studentët dhe personelin e Universitetit.

Plani i masave të minimizimit te riskut kundrejt COVID-19 për Universitetin e Elbasanit "Aleksandër Xhuvani është në linjë me planin kombëtar të qeverisë së Shqipërisë dhe do të adaptohet në dinamikë, në varësi të fazave të pandemisë dhe njohurive shkencore mbi infeksionin.

Objektivi i masave të përfshira në këtë rregullore është të minimizojnë riskun për infektiimin nga COVID-19, përmes praktikave të distancimit fizik dhe dezinfektimit.

Për të gjitha rastet kur është e domosdoshme të kryhet aktiviteti akademik me prani fizike të studentëve duhen zbatuar masat e mëposhtme:



### Shmangja e rasteve të dyshuara

Studentët me shenja të sëmundjes (<https://infocoronavirus2019.al/simptomat/>) këshillohen të qëndrojnë në shtëpi dhe të informojnë sekretarinë mësimore përmes telefonit. Sekretaria mësimore informon në dekanat për çdo rast të evidentuar.

Para hyrjes në godinën kryesore ku zhvillohet procesi i mësimdhënies, personi përgjegjës kryen për çdo individ:

Verifikimin e temperaturës me termometër digjital.

Verifikimin e pajisjes me maskë dhe doreza personale.



## Distancimi fizik

Në mjediset e jashtme ruhet distanca prej të paktën 1.5 metra mes studentëve, duke vodosur shenja orientuese dhe duke afishuar informacion të dukshëm.

Në klasë auditor ruhet distanca prej 2 metra mes studentëve. Nëse numri i studentëve është më i madh se sa hapësira e klasës që do të duhej për të respektuar këtë kusht, mësimi zhvillohet në më shumë se një grup apo klasë.

Përshtatja e orareve lidhur me shtimin eventual të leksioneve do të bëhet në marrëveshje mes departamenteve dhe Dekanatit përkatës.

Departamentet, në bashkëpunim me Dekanatin organizojnë vodosjen e tavolinave dhe shenjave orientuese në përputhje me rregullin e cituar më lart mbi distancën fizike mes studentëve në mjedise të mbyllura.

Ruajtja e distancës fizike të cituar më sipër për mjediset e mbyllura, aplikohet edhe në çdo formë tjeter të komunikimit mes pedagogut dhe studentit, përfshi konsultimet apo provimet.

Studentët në çdo hyrje në mjedisin e mbyllur ku do të zhvillohet aktiviteti mësimor, verifikohen nga personi përgjegjës për temperaturën dhe pajisjen me maskë dhe doreza.

Orari i leksionit, praktikës apo provimit duhet të sigurojë shhangjen e grumbullimit të më shumë se një grupi studentësh në mjedisin e mbyllur ku do të zhvillohet procesi mësimor.

Në çdo mjedis të mbyllur ku zhvillohet leksion, praktika apo provime, afishohen masat e parashikuara në këtë rregullore.

Nuk lejohet asnjë aktivitet tjeter arsimor veç atyre më të domosdoshëm, të përcaktuar në Vendimin e Rektoratit Nr. 51, 05/05/2020, publikuar në faqen elektronike zyrtare [www.uniel.edu.al](http://www.uniel.edu.al)



## Mbajtja e maskave dhe dorezave

Në klasë auditor dhe në të gjithë mjediset e mbyllura studentët dhe personeli, mbajnë maska dhe doreza(<https://infocoronavirus2019.al/permorimi-i-maskes/>).

Në hyrjen e çdo mjedisi të mbyllur afishohet një kujtesë lidhur me mbajtjen e maskave dhe dorezave.



## Dezinfektimi dhe higjiena

Personeli dhe studentët dezinfektojnë duart gjatë hyrjes daljes në nga klasë/auditor duke përdorur kontenierët e vendosur për këtë qëllim në katin përkatës.

Sipërfaqet e tavolinave në auditore dezinfektohen pas çdo aktiviteti arsimor duke përdorur pajisjet e vendosura në auditorë për këtë qëllim.

Sigurohet ajrosja e vazhdueshme e klasave apo auditoreve, para, gjatë dhe pas aktivitetit mësimor.

Në hyrjen e klasës afishohet një kujtesë mbi dezinfektimin e duarve dhe të sipërfaqeve të tavolinave (<https://infocoronavirus2019.al/parandalimi/>)

Korridoret e mjediseve ku zhvillohet aktiviteti arsimor pastrohen/dezinfektohen çdo dy orë. Tualetet pastrohen dezinfektohen çdo 30 minuta. Dorezat, parmakët dhe sipërfaqe të tjera në mjediset pranë sallës auditorit ku zhvillohet aktiviteti arsimor, pastrohen/dezinfektohen çdo 30 minuta.

Miratuar me vendim të Senatit Akademik nr. 26, datë 13/05/2020.

**KRYETARI  
I SENATIT AKADEMIK**

**Prof. Dr. SKENDER TOPI**